

## **Evropako Romano Instituto vaš Arte thaj Kultura (ERIAK) Membrurengi Karta**

Adoptisardi katar o Bordo PAKIV ando 6-to aprilo 2018

1. E Evropako Romano Instituto vaš Arte thaj Kultura (ERIAK) si jekh khetani inicijativa katar o Konsilo le Evropako, I Fundacia vaš Putardi Societeta thaj i Alianca vaš e Evropako Romano Instituto. E ERIAK-esko objektivni si te promovisarel e arte, i kultura thaj i edukacija sar jekh modo kaj promovisarel e manuškane čačimata thaj interkulturalo xakjaripe thaj kadja, te marel pes kontra o anti-žipsismo thaj diskriminacija karing e roma ande Evropa thaj te barjarel lengi andrutni pakiv.
2. Šov bijanimaske principurja definisaren o keripe, i guvernanca, i struktura thaj o membroisipe:
  - Respekto vaš o digniteto thaj o identiteto le romengo
  - Diversiteto thaj pluraliteto e romane identitetengo thaj kulturengo
  - Romengo šerutnipe žutimasa thaj kooperacijasa katar e gaže
  - Angažamento thaj kontribucija e romane organizacijengi thaj ženengi ando alosaripe thaj o keripe e bukjengo ando Instituto
  - Politikani autonomia thaj bipartizanato, ama ačindos putarde karing e kolaboracije e publikane autoritetenca thaj karing parteneriaturja e politikane institucijenca
  - Maj uče standardurja pal o kaliteto ande arte thaj kultura thaj ande buki e Institutoski

### **O skopo e kartako**

3. E Evropako Romano Instituto vaš Arte thaj Kultura (ERIAK) e.V. "o Instituto" si jekh asocijacija kaj na kerel profito telal i Germanski legislacija, kerdo te del vast e eforturja vaš o kidipe, parupe thaj sikavipe e artake bukjengo thaj kulturako pal e Roma vaj phangle k-i situacija le Romengi ande Evropa.

4. O Instituto si les duj kategorije membrurjenge: "permanento membrurja" thaj "khetane membrurja". O Konsilo le Evropako, I Fundacia vaš Putardi Societeta thaj i Alianca vaš e Evropako Romano Instituto vaš Arte thaj Kultura si permanento membrurja e Institutoske.

5. O Instituto si putardo karing e khetane membrurja pal sar si phendo ando artikolo 12 andar lesko statuto. Kerel kolaboracija bute institucijenca, inicijative thaj manuša interesuime andar sasti Evropa thaj avrjal kadaja, thaj andar savore kulturalo arie. E khetane membrurja si len jekh vašno rolo te barjaren e kulturalo, intelektualo thaj organizacionalo resurse e Institutoske.

6. Kadaja membrurengi karta anavjarel e čačimata thaj e obligacije kaj si e ERIAK-eske khetane membrurjen thaj del definicija pal e mekanismurja kaj sikaven sar šaj te thon pes von ande buki e Institutoski.

### **Kriteria pal e khetane membrurja**

7. O khetano membroisipe ando Instituto si putardo e artisturjenge Roma vaj gaže, kulturalo manažerja, interesuime manuša, organizacie pal civilo societeta thaj kompanije andar o privatno sektoro save mangel te den vast o Instituto, len samate leske skopurja thaj valore thaj adoptisaren leske šov bijanimaske principurja. Šaj te oven akceptisarde sar membrurja institucije thaj manuša.

8. O khetano membroisipe šaj te lel pes pherindos jekh aplikacija online vaj xramosardi, kaj del pes k-o Ekzekutivno Direktoro e Institutosko. O khetano membroisipe si akceptisardo pal i konfirmacija.

### **Tematično sekcije**

9. E khetane membrurja si thode te alosaren jekh tematično sekcija pal sar von mangel thaj pal lengi eksperienca. E khetane membrurja šaj xramosaren pes ande maj but sekcije.

10. E anglune tematikane sekcije si:

- Arte thaj kultura
- Medija thaj informacije pal e arte thaj kultura
- Historia thaj komemoracija
- Rodipe thaj publikacije pal e arte thaj kultura

11. Pal i konsultacija e khetane membrurjenca o Bordo si les čačipe te adaptisarel e tematikane sekcije ando domeno le artengo thaj e kulturako.

### **Čačimata**

12. Kana si šajpe, e khetane mebrurja si te oven thode ande aktivite e Institutoske. E khetane mebrurja si akharde te keren propozicije pal inicijative, kulturalo thaj artistikane parteneriaturja.

13. Pal pesko isipen ando interneto thaj ande socialo media o Instituto si te del e khetane mebrurjenge jekh platforma kaj te šaj paroven ideje thaj ekspertiza.

14. E khetane membrurja si len akceso ke žanimatengi (data) baza e Institutoski.

15. E khetane membrurja si len o pravo te sikaven o logo thaj o anav e Institutosko ande peske kulturalo aktivite, pal e kondicije thode katar o Instituto. O Ekzekutivno direktoro si te del artake bukja thaj materialo pal o Instituto e interesuime mebrurjenge.

16. E khetane membrurja si len o čačipe te len kotor k-o Generalno Kidipe.

### **Responsabiliteturja**

17. E khetane membrurja e ERIAK-eske den pesko lav te respektisaren o Statuto thaj i Karta le Membrurjengi thaj te promovisaren lesko skopo thaj valore thaj te respektisaren e šov bijanimaske principurja. Von den pesko lav te den vast thaj te zorjaren o anav e Institutosko thaj te žutisaren i implementacija leske programurjengi.

18. E khetane membrurja den pesko lav te respektisaren thaj te žan pal e andrutne politike thaj regulacije le Institutoske.

19. E khetane membrurja si responsabilo te registrisaren pes ke maj cira jekh tematikani sekcija thaj te pokinen e membroski beršeski taksa.

20. E membroski beršeski taksa kaj trebal pokindi si kerdi katar o Bordo PAKIV. E beršeski taksa si thodini ando websito e Institutosko. Ande specialo kazurja, i membroski beršeski taksa šaj te pokinel pes bukjaso (in-kind kontribucija).

### **Sar len kotor e khetane membrurja ande decizijako proceso**

21. E khetane membrurja den pesko voto te anavjaren membrurja ande Akademija BARVALIPE ande sekcija kaj von xamosarde pes. Sako khetano membro si les jekh voto. E khetane membrurja kaj xamosarde pes ke maj but de sar jekh sekcija, trebal te alosaren jekh sekcija ande savjate te den pesko voto. O voto si te kerel pes online. E duj kandidaturja kaj len o angluno thaj o dujto maj baro numero voturjengo ande saki tematikani sekcija, si te oven prezentisarde ando Generalo Kidipe te oven anavjarde ande Akademija.

22. E membrurja ande Akademija trebal te oven žene kaj si len but bari eksperjenca ande Institutoske bukjake domenurja thaj te oven žangle katar e manuša. I Akademija, ando principio, trebal kerdi ande jekh modo kaj e roma te

oven mažjoritarno thaj te lel pes samate i balanca pal e žuvlja-murša, pal i generacija thaj pal e regionurja.

23. E khetane membrurja den pesko voto ando Generalo Kidipe te anavjaren ži k-o oxto reprezentanturja, te oven ande Akademija, vaš jekh mandato trine beršengo. Aver anavjaripe si posibilo samo jekh data. Saki tematikani sekcija šaj te ovel reprezentisardi katar maksim duj reprezentanturja.

### **Solucije ke bixakjarimata**

24. E bixakjarimata pal i buki e Institutoski, pal o proceso le alosarimasko thaj leske rezultati, o xakjaripe e khetane membrurjengo vaš e Membrongi Karta, vaj vaš orsavi rig e bukjaki ando Instituto, trebal bišalde k-o Bordo PAKIV.

25. Jekh khetano membro šaj te ovel dino avri andar o Instituto palal jekh lačo motivo. I ekskluzija (dinipe avri) kerel pes samo pal i rezolucija dini katar o Bordo. O khetano membro trebal te ovel ašundo anglal te lel pes i decizija.